

## YANGI O‘ZBEKISTON

Ijtimoiy-siyosiy gazeta

№ 17 (1078), 2024-yil 24-yanvar, chorshanba



www.yuz.uz



yuz.uznews



yuz\_official



yuz.uz\_news



yuz



## O‘ZBEKISTON PREZIDENTINING XITOYGA TASHRIFI BOSHLANDI

O‘zbekiston Respublikasi Prezidenti Shavkat Mirziyoyev rafiqasi bilan birga davlat tashrifi bilan Xitoy Xalq Respublikasiga keldi.

Ikki davlat bayroqlari bilan bezatilgan “Shoudu” xalqaro aeroportida oliy martabali mehmon sharafiga faxriy qorovul saf tordi.

Davlatimiz rahbarini XRR madaniyat va turizm vaziri Sun Yeli va boshqa rasmiy shaxslar kutib oldi.

Tashrif dasturiga muvofiq 24-yanvar kuni O‘zbekiston yetakchisi XRR Raisi Si Szinpin bilan muzokaralar hamda Xitoyning rasmiy

shaxslari va ishbilarmon doiralari vakillari bilan qator ikki tomonlama uchrashuvlar o‘tkazadi.

Kun tartibidan O‘zbekiston bilan Xitoy o‘rtasidagi har tomonlama strategik sheriklik munosabatlarini yanada mustahkamlash va keng ko‘lamli amaliy hamkorlikni kengaytirish masalalari o‘rin olgan.

O‘za

## Taraqqiyot yo‘li

## INSON KAPITALINI RIVOJLANTIRISH do‘stona munosabatlarni mustahkamlash asosi

Davlatimiz rahbarining 2024-yildagi ilk davlat tashrifi aynan Xitoyga amalga oshirilishida ham ramziy ma‘no bor. Ekspertlar fikriga ko‘ra, ushbu tashrif o‘zaro hamkorlikni yanada rivojlantirish, ikki davlat munosabatlari tarixida o‘ziga xos yangi sahifani ochishga xizmat qiladi.

Davomi 3-betda

## Xalqaro hamkorlik

## O‘zbekiston – Xitoy: SIYOSIY DIPLOMATIK ALOQALAR – YANGI DAVRNING MUHIM PLATFORMASI




Xitoy Xalq Respublikasi Raisi Si Szinpinning taklifiga binoan O‘zbekiston Respublikasi Prezidenti Shavkat Mirziyoyevning 23-25-yanvar kunlari bo‘lib o‘tadigan davlat tashrifi doirasida Pekin shahrida oliy darajadagi muzokaralar hamda qator ikki tomonlama uchrashuvlar rejalashtirilgan. Kun tartibidan davlatlarimiz o‘rtasidagi strategik sheriklik munosabatlarini yanada mustahkamlash va amaliy hamkorlikni kengaytirish masalalari o‘rin olgan.

Qayd etish kerakki, O‘zbekistonning ochiq, do‘stona, tinchlikparvar siyosatida XRR bilan o‘zaro munosabatlarni muhim ahamiyatga ega. Bu hamkorlik aloqalari har tomonlama strategik sheriklik asosida rivojlanib, doimiy takomillashib bormoqda. Ikki va ko‘p tomonlama siyosiy diplomatik aloqalarning mohiyati va yo‘nalishlarini o‘zaro manfaatdorlik, mintaqaviy va xalqaro miqyosdagi istiqbolli hamkorlikka doir masala va muammolarni hal etishdagi tizimli yondashuvlarda ko‘rish mumkin. Bu jarayon bugun yangi davrning keng qamrovi strategik sherikchilik yo‘nalishlari va vazifalaridan kelib chiqmoqda.

Davomi 3-betda

## Nuqtayi nazar



## O‘ZGARISH BOR

LEKIN FOYDALANILMAYOTGAN IMKONIYATLAR HAM YETARLI

Yil boshi, xususan, yanvar oyining uchinchi haftasi mamlakatimiz ijtimoiy-iqtisodiy hayotiga daxldor tashabbus va tadbirlarga boy bo‘ldi. Prezidentimiz raisligida o‘tkazilgan ikki tadbir — makroiqtisodiy barqarorlik va iqtisodiy rivojlanishni ta‘minlash hamda 2024-yilda investitsiya, eksport va sanoat sohasidagi ustuvor vazifalar muhokamasiga bag‘ishlangan videosektor yig‘inlarida ko‘tarilgan masalalar, oldinga qo‘yilgan maqsadlar mamlakatimizda amalga oshirilayotgan islohotlar ijrosini nafaqat yil davomida ta‘minlashga, balki O‘zbekistonning yaqin istiqboliga xizmat qilishi bilan ahamiyatlidir.



Avvalo, shuni ta‘kidlash kerakki, har ikkala yig‘inlash tahliliy hamda tanqidiy ruhda o‘tdi. To‘g‘ri, bugun mamlakatimiz iqtisodiyotida ijobiy o‘zgarishlar, o‘sh bor. Lekin, shu bilan birga, hali qilinishi lozim bo‘lgan ishlar, to‘liq va to‘g‘ri foydalanilmayotgan imkoniyatlar ham kam emas. Davlatimiz rahbari ayni shu imkoniyatlarni ishga solish lozimligini ko‘p takrorladi, bu borada tegishli mas‘ullar zimmasiga muhim vazifalar qo‘ydi.

Yutuqlar o‘zimizniki, ulardan keladigan naf chega ketib qolmaydi. Ulardan havo- lanib ketish ham yaramaydi. Aksincha, yangi maqsadlarga intilish kerak. O‘zbekistonda amalga oshirilayotgan islohotlar o‘zining izchilligi, butun mazmun-mohiyati bilan ayni shunga qaratilgani diqqatga sazovor.

Davomi 4-betda

## Burch

## YUKSAK AXLOQIY FAZILATLARGA EGA YOSHLAR YOT G‘OYALAR DOMIGA TUSHIB QOLMAYDI

Mamlakatimizdagi ma‘naviy tiklanishning hozirgi bosqichida jamiyatimizni, xususan, o‘quvchi yoshlarni milliy g‘oya ruhida tarbiyalashning ahamiyati tobora oshmoqda. Shu bois, jamiyat hayotida ma‘naviy-ma‘rifiy ishlar tizimini tubdan yangilash, isloh qilish — O‘zbekistonning buyuk kelajagini ta‘minlashning bosh shartlaridan biri, deb e‘tirof etilmoqda. Jumladan, ta‘lim muassasalarida ma‘naviy-ma‘rifiy ishlarni to‘g‘ri yo‘lga qo‘yish bu borada olib borilayotgan islohotlarni mustahkamlashda asosiy omillardan biridir.

Davomi 5-betda

## Munosabat



## ISHBILARMONLIK MUHITINI YARATISHDA INVESTITSIYANING O‘RNI BEQIYOS

O‘tgan yili 2022-yildagiga nisbatan 1,8 barobar ko‘p investitsiya jalb etildi. Bu mamlakatimizda keyingi yillarda investitsiya muhitining jozibadorligini yanada oshirish, hududlarda tadbirkorlik faoliyatini rivojlantirish, yangi tashabbus va loyihalarni moliyalashtirish, iqtisodiy barqarorlikni ta‘minlash bo‘yicha ko‘rilayotgan choralar samarasi, albatta.

Iqtisodiyotni barqaror taraqqiy ettirishda investitsiyaning ahamiyati beqiyos. Sababi, bu ko‘plab soha va tarmoqlar hamda hududlarga yangi texnologiyalar, ilg‘or tajribalar, yuksak malakali mutaxassislar kirib kelishi va tadbirkorlikni jadal rivojlantirishga ulkan poydevor yaratadi. O‘z navbatida, ko‘plab yangi ish o‘rinlari tashkil etishga

turki bo‘ladi. Eng muhimi, yoshlar uchun puxta bilim olish imkoniyati, umuman, davlatimizning intellektual salohiyatini yanada oshirish uchun yetarli darajada sharoit yaratiladi.


Davomi 2-betda

## Jaloliddin Manguberdi izidan

Prezidentimiz 2020-yil 12-13-mart kunlari Xorazm viloyatiga tashrifi doirasida Jaloliddin Manguberdi jasoratining yosh avlodni milliy g‘urur va vatanparvarlik ruhida tarbiyalashdagi tarixiy ahamiyatini hisobga olib, qator topshiriq va vazifalar bergandi.

## TUPROQ – O‘ZLIK ILDIZI

YOXUD QUDRATLI XOQON BOBOLARIMIZGA BESHIK BO‘LGAN ZAMIN




Vazirlar Mahkamasining 2020-yil 23-iyuldagi farmoyishida bu topshiriqlar o‘z aksini topib, Jaloliddin Manguberdi izidan Turkiya, Mo‘g‘uliston va boshqa mamlakatlarga ilmiy-ma‘rifiy ekspeditsiyalar uyushtirish, tarixiy hujjatlarni o‘rganish, asarlar yaratish singari qator vazifalar belgilab berildi. O‘tgan vaqt oralg‘ida o‘ndan ziyod tarixiy-ilmiy asar yaratilib, Xorazmning Urganch va Turkiyaning Diyarbakir shahrida Jaloliddin Manguberdi tarixining yangi sahifalarini o‘rganish yuzasidan nufuzli anjumanlar uyushtirildi.

Davomi 6-betda



## Xalqaro hamkorlik

# O'zbekiston — Xitoy: SIYOSIY DIPLOMATIK ALOQALAR — YANGI DAVRNING MUHIM PLATFORMASI



Sayfiddin JO'RAYEV,  
siyosiy fanlar doktori, professor

## Boshlanishi 1-betda

Shu bilan birga, O'zbekiston — Xitoy sarmoyaviy hamkorligi jadal rivojlanib, turli yo'nalishlarda yanada diversifikatsiya qilinmoqda. Ma'lumotlarga ko'ra, 2023-yilda Xitoy O'zbekistonning asosiy sarmoyaviy hamkoriga aylanib, umumiy sarmoya hajmi 11 milliard AQSH dollaridan oshgan. Bugungi kunga qadar juda ko'p hayotiy hamda muhim istiqbolli loyihalar muvaffaqiyatli amalga oshirildi va davom ettirilmoqda. Ular orasida infratuzilma, kimyo sanoati, energetika, suv xo'jaligi, transport, kommunikatsiya va boshqa sohalarga oid loyihalar bor.

## O'ZARO ISHONCH USTUVORLIGI

Ikki davlat o'rtasidagi siyosiy diplomatik aloqalarning muntazam rivojlanishi va samaradorligini belgilab beruvchi asosiy nuqta yuqori darajadagi o'zaro munosabatlarning izchilligi bilan bog'liq. Bu esa, o'z navbatida, davlat rahbarlari o'rtasidagi samimiy ishonch, vaziyatni strategik baholashning yangi tajribasi va zamonaviy tashabbuslarni ilgari surishga asos bo'lmoqda. Shuningdek, ikki tomon uchun amaliy ahamiyatga ega qarorlar ishlab chiqishga olib keluvchi ochiq va pragmatik muloqotning yo'lga qo'yilgan, davlat rahbarlari o'rtasida turli shakl va formatlarda uchrashuvlar tashkil etilishi samarali natijalarga olib kelyapti.

Jumladan, 2017-2022-yillarda Prezidentimiz Shavkat Mirziyoyev va XRR Raisi Si Szi-pin ko'p tomonlama sammitlarda uchrashdi, ikki mamlakat rahbarlarining o'zaro rasmiy va amaliy tashriflari bo'lib o'tdi, telefon muloqotlari amalga oshirildi. XRR Raisi Si Szi-pinning 2022-yil sentabrda O'zbekistonga, Prezident Shavkat Mirziyoyevning 2017-yil va 2023-yilda Xitoyga tashriflari ikki tomonlama munosabatlarni rivojida kuchli turtki bo'ldi.

Siyosiy diplomatik aloqalarning muntazamligi va barqarorligida ikki davlat parlamentlari hamda hukumatlarining faol hamkorligi ham muhim ahamiyat kasb etmoqda. Jumladan, 2017-yil may oyida Oliy Majlis va Butunxitoy xalq vakillari kengashi o'rtasida hamkorlik bo'yicha parlamentlararo guruh muloqotlari yo'lga qo'yildi. Shuningdek, parlament delegatsiyalarining o'zaro tashriflari almashilyapti. 2019-yilda hukumatlararo almashinuv doirasida O'zbekiston Bosh vazirining Xitoyga va XRR Davlat kengashi Bosh vazirining O'zbekistonga tashriflari amalga oshirildi, 2021-yil iyun oyida hukumat rahbarlarining onlayn uchrashuvi bo'lib o'tdi. 2022-yil avgust oyida esa onlayn tarzda Hamkorlik bo'yicha O'zbekiston — Xitoy Hukumatlararo qo'mitasining 6-majlisi tashkil etildi. 2023-yil oktabr oyida Bosh vazir Abdulla Aripov XIX Osiyo o'yinlarining yopilish marosimida ishtirok etish uchun Xitoyga tashrif buyurdi va XRR Davlat kengashi Bosh vaziri Li Syan bilan uchrashdi.

## "BIR MAKON, BIR YO'L" — SAMARADOR TASHABBUSLAR MAYDONI

"Bir makon, bir yo'l" tashabbusi 2013-yilda Xitoy hukumati tomonidan 150 ga yaqin davlat va xalqaro tashkilotlarga



sarmoya kiritish uchun qabul qilingan global infratuzilmani rivojlantirish strategiyasi hisoblanadi. Mazkur dastur Xitoy Xalq Respublikasi Raisi Si Szi-pin tashabbusi bilan yo'lga qo'yilgan. Bundan ko'zlangan asosiy maqsad Buyuk ipak yo'li chorrahasida kesishgan qo'shni davlatlar bilan hamkorlikda "iqtisodiy kamar-



ni qurish"dan iborat. Ushbu tashabbusda O'zbekistonning ishtiroki muhim ahamiyatga ega. Bu jarayonda o'zaro umumiy manfaat tamoyili hamohanglik qilmoqda. Xalqaro doirada Buyuk ipak yo'lining zamonaviy ko'rinishi sifatida baholana-

inklyuziv, qulay, muvozanatli va o'zaro manfaatli yo'nalishda harakatlanishga yordam bermoqda.

Mamlakatimiz tomonidan ilgari surilgan va doimiy ravishda e'tibor qaratib kelinayotgan O'zaro bog'liqlik kon-



"Bir makon, bir yo'l" tashabbusi 2013-yilda Xitoy hukumati tomonidan 150 ga yaqin davlat va xalqaro tashkilotlarga sarmoya kiritish uchun qabul qilingan global infratuzilmani rivojlantirish strategiyasi hisoblanadi. Mazkur dastur Xitoy Xalq Respublikasi Raisi Si Szi-pin tashabbusi bilan yo'lga qo'yilgan. Bundan ko'zlangan asosiy maqsad Buyuk ipak yo'li chorrahasida kesishgan qo'shni davlatlar bilan hamkorlikda "iqtisodiy kamarni qurish"dan iborat. Ushbu tashabbusda O'zbekistonning ishtiroki muhim ahamiyatga ega. Bu jarayonda o'zaro umumiy manfaat tamoyili hamohanglik qilmoqda.

otgan va davlatimiz rahbari tomonidan "Xalqaro hamkorlikning yangi modeli" sifatida e'tirof etilgan "Bir makon, bir yo'l" dasturi muntazam o'rtasidagi umumiy taraqqiyot va farovonlikka erishish yo'lidagi zaruriy, inklyuziv hamda ochiq platformaga aylanib bormoqda.

sepsiyasini amalga oshirish, Markaziy Osiyo va tashabbus ishtirokchilari bilan qo'shma loyihalarni ishlab chiqish hamda yangi tashabbuslarni ilgari surishda xalqaro maydon sifatida muhim ahamiyatga ega bo'lmoqda. Bu borada muntazam tranzit salohiyatini ishga solish, jumladan, Xitoy — Markaziy

Osiyo — Janubi-g'arbiy Osiyo iqtisodiy koridorini shakllantirish muhim ahamiyatga ega. Boshqacha aytganda, tashabbus doirasidagi o'zaro hamkorlik butun dunyoda, xususan, O'zbekistonda iqtisodiy o'sishni rag'batlantirishning muhim yo'liga aylanishiga yangi sharoitlarni vujudga keltirayotgani bilan farqlanadi.

## SHHT FAOLIYATIDA TRANSFORMATSION O'ZGARISHLAR

Xitoy va O'zbekiston SHHTning ta'sischi sifatida ko'p yillar davomida boshqa a'zo davlatlar bilan tashkilot doirasida xavfsizlik, iqtisodiyot, savdo va mutaxassislar almashinuvi kabi turli sohalarda yaqin hamkorlik qilib kelmoqda. Xitoy O'zbekistonning SHHTdagi ishtiroki va faoliyatini doimo yuqori baholagan. Buni O'zbekiston ilgari surgan tashabbus va takliflar Xitoy tomonidan muntazam qo'llab-quvvatlanayotgani misolida ham ko'rish mumkin. Ayniqsa, tashkilotning Samarqand shahrida o'tkazilgan sammitida, yangi xalqaro tartibotlar o'rnatilayotgan sharoitda muloqot va hamkorlikning yangi modeli shakllanishini boshlab berdi. O'zbekiston tomonidan manfaatli hamkorlikni yanada chuqurlashtirishning asosiy yo'nalishlari sifatida o'zaro savdoni har tomonlama kengaytirish va chuqurlashtirish, infratuzilmani, sanoat kooperatsiyasini rivojlantirish, yashil va raqamli transformatsiyani jadallashtirish, yuqumli kasalliklar, iqlimning salbiy oqibatlariga qarshi birgalikda kurashish masalalarini kun tartibiga qo'ydi. O'z navbatida, sammit bu masalalarni yechishga qaratilgan muhim strategik va konseptual ahamiyatga ega 44 ta hujjatni qabul qildi.

O'zbekiston SHHT faoliyati yangi rivojlanish bosqichiga chiqishiga sabab bo'ladigan transformatsion o'zgarishlarni boshlab berdi. Dunyoda vaziyat borgan sari murakkablashib, ayrim davlatlar o'rtasida kelishmovchilik, harbiy-siyosiy mojaro avjiga chiqayotgan vaziyatda tashkilotni o'zaro ochiq va konstruktiv muloqotga asoslangan hamkorlik platformasiga aylantirdi. Tashkilotdagi "Shanxay ruhi"ga hamohang "Samarqand ruhi"ni olib kirdi. O'zbekistonning tashkilot doirasidagi sa'y-harakati dunyodagi vaziyatni pragmatik tushinishga turtki berdi. Sammit doirasida Umumiy xavfsizlik va farovonlik yo'lida Samarqand birdamlik tashabbusining qabul qilinishi tinchlikni ta'minlash, nafaqat tashkilotga a'zo davlatlar, balki butun Yevroosiyo mintaqasi rivojlanishiga xizmat qiladigan qarorlar qabul qilish va amalga oshirishda yangi davrning muhim platformasi sifatida strategik ahamiyat kasb etmoqda.

Bir so'z bilan aytganda, O'zbekiston — Xitoy o'rtasidagi keng qamrovli strategik sheriklik uzoq muddatga mo'ljallangan ijtimoiy-siyosiy, iqtisodiy va boshqa ko'plab sohalarni qamrab olgan. O'zaro munosabatlarni muvofiqlashtirishning tashkiliy-huquqiy asoslari shakllanib, rivojlanib bormoqda. Strategik sheriklar o'rtasida manfaatlarni hisobga olish, o'zaro qo'llab-quvvatlash, bir-biriga boshqarim o'tkazmaslik kabi qadriyatlar ustunlik qilmoqda.

O'ylaymizki, navbatdagi yuqori darajadagi uchrashuv erishilgan natijalarni strategik tahlil etish, davlatlarimiz o'rtasidagi muhim kelishuvlarni amalga oshirish, Xitoy va O'zbekiston o'rtasidagi hamkorlik istiqbollarni yuqoridagi omillardan kelib chiqib, yanada mustahkamlashda muhim poydevor bo'ladi.



## Taraqqiyot yo'li

Timur ABDULLAYEV,  
Davlat xizmatini rivojlantirish agentligi boshqarma boshlig'i

## Boshlanishi 1-betda

Ushbu davlat tashrif arafasida O'zbekiston Respublikasi Prezidenti Shavkat Mirziyoyevning "O'zbekiston — Xitoy: ming yilliklarni qamrab olgan do'stlik va hamkorlik" nomli maqolasi Xitoyning markaziy gazetalarida e'lon qilindi. Unda davlatimiz rahbari XRR Raisi Si Szi-pin boshchiligidagi Xitoy Xalq Respublikasining hozirgi taraqqiyot yo'li, jahonda tobora oshib borayotgan nufuzi va mavqei, mamlakatlarimiz va xalqlarimiz o'rtasidagi munosabatlarning uzoq tarixiga yuksak baho berdi.

"Buyuk qadimiy sivilizatsiyalar har doim bir-biriga o'xshash, bir-birini tushunadi va ruhan yaqindir. O'zbek va xitoy xalqlarining madaniyati va ideallari o'xshash", deya ta'kidlanadi maqolada.

Darhaqiqat, boy tarixiy merosga ega mamlakatlarimiz o'rtasidagi munosabatlar bir necha ming yilliklarga borib taqaladi. Tarixan Buyuk ipak yo'li mintaqasi xalqlarini bir-biriga bog'lab, nafaqat savdo, balki ilmiy va madaniy rishtalar o'rnatishda muhim rol o'ynagan.

Bugungi kunda ikki davlat yetakchilarining



ro'y beradi. Xususan, 83 million ish o'rni yo'q bo'lishi hamda 69 million yangi ish o'rni yaratilishi kutilmoqda.

O'z navbatida, kadrlar siyosati, inson kapitalini rivojlantirish borasidagi hamkorlik davlatlarimizning ulkan salohiyatini to'liq ro'yobga chiqarishga xizmat qiladigan muhim yo'nalishlardan biridir.

Bugungi kunda aynan inson kapitalini rivojlantirish yo'nalishidagi hamkorlik ikki davlat o'rtasidagi do'stona munosabatlarni mustahkam-

## INSON KAPITALINI RIVOJLANTIRISH do'stona munosabatlarni mustahkamlash asosi

mustahkam do'stligi va siyosiy irodasi tufayli O'zbekiston va Xitoy munosabatlari strategik sheriklik darajasida jadal rivojlanib kelmoqda. Ta'kidlash joizki, O'zbekiston va Xitoy xalqaro maydonda umumiy manfaatli masalalar bo'yicha, shuningdek, milliy rivojlanish strategiyasini ilgari surishda ham bir-birini qo'llab-quvvatlab kelmoqda.

Mu'ammali, ikki davlat o'rtasida 2023-2027-yillarga mo'ljallangan yangi davrdagi har tomonlama strategik sheriklikni rivojlantirish dasturi amalga oshirilmoqda. Tomonlarning birgalikdagi sa'y-harakatlari tufayli savdo-iqtisodiy va sarmoyaviy sohalarda sezilarli yutuqlarga erishildi.

Xitoy uzoq yillar davomida O'zbekistonning asosiy iqtisodiy hamkori sifatidagi mavqei izchil saqlab kelmoqda. Ma'lumotlarga ko'ra, 2023-yilda ham Xitoy O'zbekistonning asosiy savdo hamkori, deb e'tirof etildi. Yil davomida ikki davlat o'rtasidagi tovar ayirboshlash hajmi 52,2 foizga o'sib, 13,7 milliard AQSH dollarini tashkil etdi.

"Bir makon, bir yo'l" tashabbusini birgalikda amalga oshirish borasidagi hamkorlik ham samarali bo'lmoqda. O'tgan davr ichida "Xitoy — Markaziy Osiyo" gaz quvuri, Qamchiq dovonida mintaqamizdagi eng uzun temir yo'l tunneli, "Xitoy — Qirg'iziston — O'zbekiston" avtomobil yo'li, Buxoro va Qashqadaryo viloyatlarida 1000 megavatt quvvatga ega quyosh fotelekt stansiyalari qurilishi kabi qator yirik qo'shma loyihalar amalga oshirildi.

O'zbekiston — Xitoy o'rtasida sarmoya va zamonaviy texnologiyalar sohasidagi hamkorlik tobora muhim ahamiyat kasb etmoqda. Xitoy kompaniyalari va moliya institutlari ishtirokida yuqori texnologiyalar, muqobil energetika, kimyo, mashinasozlik, metallurgiya, elektrotexnika, infratuzilmani modernizatsiya qilish kabi sohalarda ko'plab sarmoyaviy loyihalar amalga oshirilmoqda. Xitoyning O'zbekistonga kiritayotgan sarmoyasi har yili 40-50 foizga oshib boryapti.

Hozirgi vaqtda dunyoda yuz berayotgan shiddatli innovatsion o'zgarishlar, raqamlashtirish jarayoni, sun'iy intellektning joriy etilishi mamlakatlarimiz oldiga yangidan-yangi dolzarb vazifalarni qo'yimoqda. Bunday sharoit davlatlarimizning hamkorlik borasida hali ishga solinmagan ulkan imkoniyatlaridan to'laqonli foydalanishni taqozo etadi.

Mutaxassislar fikricha, yaqin besh yil ichida jahon mehnat bozorida sezilarli o'zgarishlar

lash uchun muhim asos bo'lib xizmat qilmoqda. Bu borada erishilgan salmoqli yutuqlarni alohida ta'kidlash joiz.

Ayni paytda ikki mamlakat ta'lim, ilmiy-texnika muassasalari o'rtasida samarali hamkorlik yo'lga qo'yilgan, idoralarda dasturlar doirasida talabalar va stajyorlar almashinuvi faollashmoqda. O'zbekistonda olitva universitetda xitoy tili o'qitiladi.

O'zbekistondagi oliy o'quv yurtlarida 600 dan ortiq talaba xitoy tilini asosiy tili sifatida o'rganyapti. Xitoy tarixi, madaniyati va an'analarini o'rganishni targ'ib qilish maqsadida mamlakatimizdagi oliy o'quv yurtlarida xitoy tili markazlari tashkil etilib, ular o'quv-ustubiy qo'llanmalar, o'lkashunoslik bo'yicha darslik va materiallar bilan ta'minlangan.

Toshkent va Samarqand shaharlarida Konfutziy instituti faoliyati yo'lga qo'yilgan, ularda mingdan ortiq yoshlar xitoy tilini o'rganmoqda. Shuningdek, yurtimizda nufuzli Sinxua va Pekin universitetlarining filiallarini ochish bo'yicha muhokamalar ham davom etyapti.

Bugun O'zbekiston har tomonlama ijtimoiy adolatga erishish, qashshoqlikka qarshi kurashish, o'rta sinfni kengaytirish, farovonlik va tenglikni ta'minlash borasida Xitoy tajribasini o'rganishdan chiqur manfaatdor.

Keyingi yillarda ikki davlat o'rtasida mintaqalararo aloqalar faollashdi. O'zbekistonga Shinjon-Uyg'ur avtonom okrugi, Shensi, Shandong, Szyansu va Szyansi provinsiyalaridan delegatsiyalar tashrif buyurdi. Mamlakatimizda Xitoyning kambag'allikni qisqartirish bo'yicha to'plagan boy tajribasini o'rganishga alohida e'tibor qaratilmoqda.

Qayd etish kerakki, davlat xizmatchilari uchun Xitoyda malaka oshirish kurslarini tashkil etish borasida ham samarali hamkorlik yo'lga qo'yilgan. Misol uchun, o'tgan besh yil ichida 4200 ga yaqin davlat xizmatchisi ana shunday malaka oshirish dasturlarida ishtirok etdi. Malaka oshirish dasturlari kambag'allikni qisqartirish, qishloq xo'jaligi, davlat boshqaruvi, tadbirkorlik, iqtisodiyot va moliya, energetika, ta'lim, turizm va boshqa sohalarni qamrab oldi.

Ikki tomonlama hamkorlikning bunday shakllari O'zbekiston va Xitoy o'rtasida inson kapitali, bilim almashinuvi va madaniy hamkorlikni mustahkamlashga xizmat qilmoqda. Mavjud imkoniyat va resurslardan foydalanishda, tomonlar o'zaro manfaatli hamkorlikni rivojlantirishga intilmoqda.





